

荔隱山房詩草

荔隱山房詩草

莆田 涂慶瀾 海屏

五言律詩

壬戌三月坐洋船至天津舟中有詩六首

薄暮隨潮去來乘海外船帆檣喧測水梯級峻登天人
雜侏僂語風腥鮫鰐淵昨宵江上月別意正悠然

曉出閩安鎮漁歌水面喧人家依古戍天險在長門地名

汊港幾灣錯烽煙兩岸屯年來鯨漲靜安穩渡潺湲

馬澳揚颿過茫茫大海濱水天真一色波浪遠無津篷

轉心猶悸艖敲體不伸昏昏眠食廢愧對海鷗馴
使船如使馬海上當康莊風飽帆三面天清雁數行越
山時出沒吳地接蒼茫又聽舵師語明朝黑水洋

重洋八百里行盡卽煙臺海島如山出魚蝦上市來潮
鹹蒸路濕店仄逐江開小泊之茅岸匆匆醉一回

七十二沽雜津河入港難風迴東海急日近北塘寒出
險魂初定吟詩興未闌舍舟登岸去舉首是長安

送同年曾華溪沈蕙田葉芑恭煜恭出都

數月同君住歸家在我先紅塵飛並轡黃葉上征鞭南

海州攜鶴曾令西河舍集鱸沈選機雲才更好秋信桂

花邊葉歸鄉試

乙丑至都謁侍御張錫甫房師

北闕多封事西川又使星持衡頭漸白識我眼曾青絳

帳三年別公車兩度經無由繼衣鉢湖海愧飄零師厦有建

言去秋又

典蜀試

咸安宮入直

南宮遲釋褐北面尚寒氈供奉趨盤掖明離齒冑筵傳

經來幾輩報最待三年莫笑官齋冷西華看月圓西華門內

漳州雜詩示潘璜園學博

渭春

地勢兼蠻粵巖疆鎖鑰同昔賢曾判郡講學有遺風
濱海稱鄒魯絃歌化蠢蒙北溪何處是訪古仗衰翁

清漳全盛日舊號小蘇州百萬撈蒲局九邊商賈舟

氏多

日過番煙花南部夜絲竹瘴江秋孰識妖氛降鼓輦動

地愁

狼烽連越嶠礮火忽飛來患自養癰致門先揖盜開關

體垤早出鼓角滿城哀劫運紅羊過推原孰禍胎

邑破人煙少秋深廢苑斜一街皆白骨九月欠黃花塵

市流亡減軍烽屯戍賒客愁何地散城上賸殘霞

清江浦

曉上清江道淮徐煙靄霏雲遮人跡暗潮帶艣聲微沿
路輪蹄接入簾風雪飛車中曾過客五載舊征衣

王家營

已卸孤篷去來驅短犢車前川忙飲馬古木亂啼鴉市
小人終散塵昏日易斜客途愁四望祇爲怯風沙

劉智廟次壁間韻

莽莽平原地塵沙起漲天途逢村更暗車穩客常眠墟

里難成市河流半入田眼前卽鴻雁那忍聽哀絃

癸酉臘月廿四日北行途中得二十韻

歲暮催征鳥寒聲臆鼓初人家方祀竈獨客又登車稚

子紛牽袂衰親別倚閭慣彈遠遊淚留寄問安書

家君時任

建寧儒學祖道賓朋少隨身僮僕虛半生浮海客二載杜門

居憶昔舟初返依人計悔疎秋深哀病馬日落困蝸廬

舊業尋堂與新編恣獵漁手生絃再撫眼豁障都祛同

學青藍助中年絲竹除家風餐苜蓿鄉味擲蓴蔬羅隱

浮名誤韓非孤憤攄途方窮涸鮒技倘試黔驢爆竹沿

途響梅花古驛舒燈昏搖野店風緊撲籃輿行路人何
少歸鴉我不如相思嶺下過年盡莫踟躕

除夕旅宿

殘年客歸里偏我是辭家何事催離別逢人饒歲華
祭詩沽市酒獨夜看燈花回憶家園夕兒童笑語譁

滬上雜詩

落日孤城在臨江又海濱東南半壁地水陸五方人
昔屬偏隅景今成衝要津雪來兼柳往經歲泊舟頻

無數樓船泊何年海禁開黃龍青雀集越雉旅葵來通

市多蠻貨籌邊孰將才風波魚海息鷗鷺總無猜

曾靖黃巾亂元戎此駐兵

李伯相督師駐此

葛羅能助戰回紇

不輸盟

洋人以兵相助

夜月戈船過秋風戰壘平吳淞半江水

猶帶鼓鼙聲

江南半彫敝海上却繁華曲岸宵如晝他鄉客卽家戎
蠻商旅雜門巷酒燈斜翠舞珠歌地何人解詠花

乙亥臘月十九日抵都宿蓮花寺

秋去冬終返春明別一年六街喧鼙鼓獨客卽吟鞭詩
境忝禪悟僧庵借榻便誰將鶴飛曲今日酌坡仙

洪直臣謝少庭兩水部送至彰儀門外別後還寄
與子國門別輜軒萬里征塵催前騎疾風撲小輿輕路
漸親僮僕家還仗友生遙知小兒女應爲數郵程

次良鄉呈秦朔南前輩

銜命蠻荒去雲程第一遭馬嘶沙路迴人出郭門豪
舊雨同蘭譜文星伴節旄旄旄征將萬里跋涉莫辭勞

望都

候吏始郊勞初聞鼓吹聲燈花明驛館爆竹動山城縣
小人煙寂天涼詩夢清悠悠前路遠未曉又登程

次樊城

行盡中原地乘楂屢渡河雲低汴樹少路入楚山多飛
騎隨征鳥輕裝卸橐駝行李至此換頓襄陽隔一水詰旦以經
過

常德晤羅景山軍門大春

京華別半載此地却逢君花落武谿水山橫仙洞雲挂
冠陶隱士時被議將去任贈策謝將軍前途有警承派兵相送招屈亭前
路明朝袂又分

黃花潭

奇絕夜郎道秋風策馬看山荒如拗鐵路險有扶欄亂
石坡爭出啼猿晝亦寒苔花潭下水誰識老龍蟠

貴定道中

城與峰爭峻山如塔更圓小輿穿石罅前馬度雲巔銅
鼓懸崖外蘆笙跳舞年竹雞啼不斷早晚卸征鞭

過大夫坑偕陳彌人茂才

山勢往而復黔中無此青地當天馬麓客看斗牛星古
字埋蒼蘚

有周翠渠
石刻三字

秋光擁翠屏與君同過嶺欲汲井

花馨

舊名瑞井嶺

蔡忠惠故里

風節朝端著鄉邦立政時洛橋千仞石臺諫四賢詩遺
愛留松樹餘閒譜荔支城南尋舊宅水繞木蘭陂

峴亭嶺

嶺樹衝煙起山腰樵正歸鯉湖從此近鳥道入天微村
落看全小溪流聽漸稀我來嗟陟峴魂斷白雲飛時余奉內

詩

過宗人山齋夜話

此地久爲別弱齡吾釣游青山猶識客白雪已盈頭雲

氣橫窗冷溪聲入夜流朝衫何日脫從汝訪丹邱

施敏先郡守招飲廣化寺

出郭尋蕭寺秋雲徧野深故人具家醞開土此叢林持住

善和募修末峻古塔厚蒼靄疏鐘度碧岑石山日未暮吾欲約

投簪

中秋偕羅仲嘉泛舟至涇江

鬱鬱此誰遣携朋載月行小橋孤艇過野水一燈明岸
迴樹猶暗江空秋更清不知村市到人語又潮聲

功臣館卽事

玉署今開館昭忠傳續編丹心標貫日青簡紀凌煙征
戰沙場後河山世賞年卷中半蟲鶴載筆爲潛然

題施砭愚學博拈花獨立圖

司鐸開山去春風已六年先生官自冷兒輩吏如仙哲

少愚癸未庶常小宋論交舊令弟燕庭孝廉壬戌同年髯蘓學道堅古籐花

下立拈笑似恭禪

文廟秋祭奉派分獻恭紀

國學嚮星啟秋登禮器堂人陪三獻後酒奠兩楹傍元

老趨踰健

時恩露圃相國

從官拜跪忙天明爐烟散致

奉

肯行禮

肺有羝羊

十月杪由通州至天津舟中得詩四首

寒天放旅櫂獨下潞河時此地昔常泊全家今又移闌
山前路遠風雪峭帆遲回首觚棱近匆匆悵別離

蓬萊水清淺却看曲江潮敢謂承明厭多緣吏隱招湖

山鄰故土煙柳夢長橋夜半推篷望河西雪未消

泊河西務

烽火榆關急遼陽正苦兵軍書催出塞將帥競專征獨

憂人同憤防秋路未平浪傳風鶴警東望涕縱橫

南北帆檣集津門巨鎮開籌邊資內運拱衛仗奇才市

肆三沽富戎差萬里來
岔河橋下水鳴咽似堪哀

嘉興城外

客鬢已如此茗溪始泛舟
雲遮吳會暗潮逼海門流世
事爭雞鶩呼名任馬牛
南湖煙雨近何日挂帆遊
烟雨樓在城東南

就屋

就屋吳山下柴門對紫陽
山名泉烹雙井活居傍
五雲山涼碧草尋詩近
青山入夢長何因駐衰老
此境未能忘

西湖晚望

春色滿湖邊春深好放船鶯花三月路楊柳六橋烟薄
宦霜添鬢浮家夜扣舷沙隄明月裏漁背又樵肩

江干

落日錢塘道沿隄策小車一鞭牛背渡

江灘淺處用牛車載過塘

路馬塍花海氣隨潮上江光繞岸斜吟詩吾未倦興至
便攜家

偶成

三載杭州住西湖飽看山客遊車馬倦身世鷺鷥閒拋
卻紅塵網去尋黃浦灘及茲腰脚健海上又憑欄

申江

最是喧囂處申江侈勝遊車馳四馬路

街名

人聚五層樓

茶園名

妓樂綠雲上衣香入市稠杏花村

酒肆名

釀熟夜醉

更句留

虹口胡跑馬松江人賣魚地多機器廠路有火輪車樓

艦時穿港氏羗正雜居可憐坊肆滿但譯佉盧書

譯書石印

盛行

萬里戎王子游蹤到海隅

時德園亭

弓刀迎小隊歌舞

似神巫壽幄張黃浦

國王壽誕

燈華映赤鬢紛紛輿蓋往中

外正歡娛

雲狗雖多幻無如電氣中懸燈芒似月氣燈報信快聞風

音筒照影十圍拓棚架波一線通水底莫誇奇技擅人巧

奪天工

誰將蠻觸門寫入畫圖高一樓四面懸四壁揮風雨兩

軍現綵毫胡沙落甕帳蕃騎雜旌旄尺幅皆千軍將軍

貌更豪畢士麥

杖策城西路名園又訪張張園在愚野花園坐滿游客

觀人忙曲有檀郎顧煙猶罌粟香但多脂粉氣祇爲近

夷場

返關

海上客竟去浩然歸故關風高馬江渡舟過虎門山鄉
思滄波惡詩心孤棹閒越王臺畔月早爲照離顏

烏龍江

喚渡客初返過江潮正衝五峯形踞虎一水勢猶龍
嶼烟村暗螺洲雲樹重輿夫欲加渡登岸尚從容

蒜嶺道中

雨氣四山黑溪流百道湍崖敔嵌路仄風疾樓輿寒將

老猶身累不歸當客看愁懷那可說舉酒酹山巒

戊申秋日遣懷

七十年添二神明幸未衰細書燈下讀健步雨中移世
變紛如此秋聲老不知莫嗟生意盡枯樹看垂枝

歲月去慙慙天憐矍鑠翁樹忘秋色老山愛夕陽紅健
飯青精外吟詩黃葉中卷簾坐長嘯應不怯西風

題沈仲復前輩皖江文醺圖次吟侶女士原韻

盛會東南啟風雲感遇深江山入圖畫賓主此登臨座

有論文酒人同戀闕心

時奉
內召

至今觴詠地遺蹟可追

尋

瑣闥談藝日舊集玉堂仙

乙酉京兆闈公與烏少雲同年爲監臨

我忝步

趨後公聯翰墨緣

余分校入闈遇公簾門公出紙箠屬書監筆

大江移節鉞

高會渺雲煙賸有左家女能將詩畫傳

荔隱山房詩草

莆田 涂慶瀾 海

七言律詩

登郡城南樓

城樓吹角奈愁何
落日登高別恨多
萬里風煙迷澗壑
千家碁枰雜悲歌
海天迤入秋毫小
旌旆遙隨夜月過
聞道中原烽火急
幾人仗劍靖鯨波

雜感

干戈滿地陣雲遮
燕北關南阻路賒
京國何人持籜節

秋風無處踏槐花
蟾宮望斷登科記
驛客虛浮奉使槎
莫怪紛紛投筆去
終童從此徧天涯

戊午辛酉闌
疊停解試

初至滬上三首

風濤蠟險記曾經
天際歸舟此暫停
海上衝煙浮水黑
江南破曉露山青
人家萬竈多依岸
樓閣下層是建翎
常夢吳淞好風景
今朝始上水心亭

互市誰教片壤遺
犬牙相錯處華夷
八蠻通道來番舶
萬貨駢聞總漏卮
壓氣嘘樓都入畫
雞林買客況知詩
種花狔鳥渾閑事
輸與詞人筆一枝

香車擊轂夾眉摩燈火通宵尚照波花雨一街喧蠟燭
茶煙半榻起笙歌何年更拓春申浦此地誰營安樂窩
自愧浪遊京雒慣返鄉蘇季已蹉跎

聞漳州警

狼烽壓境報郵程羽檄偏高召募名賊已長驅來近郭
官猶高臥誤鄉兵奪門欲出爭迎双巷戰何人解結纓
夜半火光紅起處慘聞猿鶴滿城聲

答虞愷仲司馬見贈兼以奉別

海上鐃歌唱凱回一軍暫駐鳳山隈班師已見曹彬返

治盜先推虞詡來錯節盤根須利器南金東箭本奇才

要知小試經綸手早晚天山更眼開

時將隨左帥入隴

閉門衡泌久棲遲何意登臺遇伯施半載共看雲外樹
七言況惠畫中詩壺山月落飛觴夜蘭水秋寒泛楫時
安得從君度隴去玉關萬里羽書馳

戊辰北行書感

春風又動杏花林攬轡登車感不禁儘有祖生來勸駕
不逢鮑叔孰分金家貧每益辦裝債親健難忘捧檄心
獨有倚閭愁屢別關山回望暮雲深

牧菴雜記題詞爲徐明府一麟作

當湖仙客異編開落落風騷紹玉臺杜老詩多今古感
坡公官到海天來著書豈獨稱循吏論世真能具史才
不盡叢殘資采輯白頭矻矻手親裁

靈譚鬼笑筆縱橫儘有幽光未著名風雨一編歌當哭
表揚千載死猶生湖山到處留新詠花月隨因証舊盟
我是閒關揺落客幾番展卷淚痕傾

甲戌卽事四首

十二年前襍被來秋風一戰上強臺卻說未得聯翩去

杜南空歌抑塞才五度杏花春欲老三條燭影淚成灰
從今願與樊籠別黃鵠摩天總不回

撒棘喧傳放榜辰一燈夜報叩門頻名緣難得翻疑夢
晚尚能成怕不真何意襴衫拋利市回看席帽喜離身
細將一紙泥金認幾度思君淚滿巾

元老求才夾袋儲

謂教習寶相國師

帝教來授上清書瀛洲

伴侶唐貞觀秘府文章漢石渠高坐恰逢問字日師門

重拜執經餘

謂毛旭初家宰師

更欣遺構柯亭在後進鄉人仰

止初

吾莆柯竹岩學士亭尚存

已登蓬島廁清班底事紛紛請賜環不爲買書添舊債
總因迎養乞歸山一時休沐都離館三載逍遙豈久閒
我喜倚闌今望慰聖恩早放綵衣還

遊金山寺

爭得才如蘇長公試登蕭寺望江東鐘聲夜度空山碧
塔影秋撐夕照紅北固樓臺明滅裏南朝煙樹有無中
老僧艷示山門帶我亦新除玉局翁

京江友人招飲酬別

揚子江頭月落時故人相見酒盈卮銀箏曲罷花園坐

鉄甕宵寒客論詩世味却輸霜蟹美行蹤莫悵雪鴻遲
明朝又是孤舟別獨泛煙波有所思

廈門

馴象生犀集此間海邊風景鳥綿蠻五通渡口浪如雪
萬石巖前雲滿山水市月明通蓼港樓船風起泊蘆灣
鷺門煙雨雞籠近烽火何年始閉關

徐仲眉席上話舊

幾年分袂去南州何幸清樽盪別愁家世青籐真賦手
名山紅雨又詩樓吟身直比梅花瘦奉母能忘萱草憂

我縱新除香案吏輪君祿養故園秋

重至邗江

秋風疎柳廣陵煙小杜經過記昔年綠水橋邊曾貰酒
青山江上又停船倚樓何處觴明月騎鶴無人識散仙
棖觸竹西歌吹路玉鉤斜畔舊嬋娟

阜城驛次壁閒韵

蘆簾風外忽聞歌誰送春聲笑語和度曲幾人高白雪
通辭偏欲託微波詩心似我休嫌淡綺語年來刪更多
一夜凍風吹酒醒征鞍催上又前坡

丙子散館授職恭紀

金殿羣仙盡異才，摩空作賦愧追陪。
詩窮願改冰銜去，恩重仍教玉署來。
豈有高辭螭揚馬，何堪異等列鄒枚。
石渠天祿知多少，從此奇書得眼開。

座師萬藕船尚書七十壽詩

百花洲上行真傳，家世春官望後先。
北斗星辰兼將相，南宮官府卽神仙。
四朝碩望尊元老，一代才名冠木天。
黃閣會覘綸綍錫，拜恩恰及古稀年。

晉公綠野一堂開

園名

尺村牙笏盈牀舞綵來，天賜陽和迎

一柄壽辰春日

帝咨禮樂掌容臺傳家喜奏華蒿曲謝

黃生舉京兆造士宏收杞梓材九掌我媿門牆附桃李春風謝

長進紫霞梯

已卯五月朔奉 命典試黔中謝 恩恭紀

文衡特簡自丹青端午 恩先拜早朝第一天書頒爛

燭八下驛路望迢迢掄才未敢輕荒服聞 命偏欣首

庶僚此日星郵持節去榴花紅照使臣輶

陘陽驛題壁懷陳伯雙太史

山程水驛路迢迢五月炎風送使輶紅日照途行欲早

青山迎客夏能消馬嘶古道馳千里吏報前津長半腰

方順橋邊人在否新詩讀罷酒懷澆

伯雙壁閒句云可憐方順橋邊女猶

抱琵琶
唱惱公

食瓜

炎天萬里泛仙楂暑氣薰人路更賒蔭暘難尋煙際樹
停車時買路傍瓜老饕味偶分僮僕解渴涼真沁齒牙
自笑冰心猶內熱寧帷風引野田花

馬伏波祠

攄鞍矍鑠舊容顏遺像常留鎮此間萬里功名雙柱界

一生辛苦五溪蠻瘴煙似墜飛鳶水畫壁猶堆聚米山
試望壺頭停軍處荒祠長對夕陽殷

文德關

萬壑松聲卷怒濤獨將輕騎下牂柯亂山不見行人迹
啼鳥猶噴驛使勞惡箐穿雲蠻樹濕危灘束峽浪花高
巖關不待鳴雞過一路西風逐節旄

登玉尺樓示監試程輔義同考樊玉亭兩同年

銷闌高處眺雲煙金筑山光落眼前萬里秋風羅甸國
半樓明月夜郎天魏非風雅來持尺定有文章副選錢

難得官簾逢舊雨曉來齊上孝廉船

衡鑒堂名

與陳弼人茂才遊天馬鳳凰諸山

鄉關一別幾經年遠望瀧岡意惘然勝地卽今堪豹隱
名山何處訪牛眠會心誰解青烏術搔首空摩碧落煙
幸有良朋共登眺秋雲飛上萬峰巔

送陳仲因同年

文驤

出守金華

蓬萊會上領仙班天祿書讎萬卷還望氣久豪湖海外
結鄰近有讓廉間

居與余近

一麾

帝許臨民早十載君先

史事嫻

遊幕晉課

難得秋高行部日板輿扶看浙東山

時奉太夫人

人之仁

甲申書事

妖氛忽落虎門東水戰難防況火攻十丈煙塵衝浪黑
滿江礮火噴天紅吟梅何遜先歸閣銘斗桓侯未奏功
天險已非成縱敵可憐馬澳又難籠

軍書絡繹遞邊程瘴海誰驅草木兵但道孫歆能報捷
未聞楊僕自專征風高燕幕巢猶結日落鯢身浪未平
惟有越裳好消息鴉軍飛到陣雲橫

京兆秋闈分校

同伴人分棘院西秋風玉尺許重携毫端敢厭千篇富
眼底休教五色迷回首廿年過駒隙驚心七度寄鴻泥
余鄉試考教習及會試七次入京闈今宵官燭風簾裏不減黔山策馬蹄

送施少愚庶常調羹出宰資陽

瀛洲亭上倦吟詩出綰銅章擁采旗我輩一官非俗吏
名山萬里看峨眉春深揚子談經地人羨文翁化蜀時
賸有一枝修史筆生花間畫細君眉新納一姬

可自怡樓

遠驛歸來只卧游閉關小築足清幽地無活水須移石

人爲看山愛上樓，負郭嶺雲千樹曉。
八窓海月半輪秋，此中佳處無人識。
誰信通明在上頭。

已丑八都有作

絃琴彈罷欲何之，又別西風淚暗垂。
從此永爲遠遊客，不堪屢和贈行詩。
在山未厭閒雲臥，出谷難教衆鳥知。
一葉扁舟寄何處，海天萬頃碧琉璃。

元日早朝詩

綵仗香分曙色匀，佩聲齊到賀元辰。
風飄仙樂開青瑣，雲捧天書下紫宸。
列辟趨跼三殿曉，呼韓稽首一家春。

微臣正自田間返喜見朝儀異樣新

景賢堂晤諸友

三年判襪滯飛鴻何幸寒宵燭剪紅
荔子故鄉來舊雨杏花及第話春風
地當韋杜稠居裏人似壺蘭雅集中
香火一龕供先哲賦詩訪古興應同

天安門磨勘鄉會試卷

分來筍束幾堆拈手注無籤與有籤
忽俊不禁擊節賞小疵難免凍毫添
但無刺眼模糊甚肯學吹毛抉摘嚴
皎能朔風砭指裂天安門外雪盈檐

送陳詠菴庶常鳴秋之官嶺南

元龍豪氣老逾賒此日南行計未差
夜共燕臺斟竹葉春回庾嶺看梅花
鳬飛遠照珠江水雁返猶思玉署家
他日采風句漏去煩君早與寄丹砂

秋日感興三首

掩關臥病雨霏霏秋至疏簾燕懶飛
野豆上籬換竹粉幽花墜地浸苔衣
官閒只當山居隱室小何疑客至稀
垂老別無消遣法一龕彌勒共忘機

庭館蕭條落日斜白頭何事尚京華
秋風偶種泉明菊

夜雨閒煎顧渚茶。蝸舍常關門似水。鯉頭作字眼先花。
祇應課讀兒童去。猶有書聲滿屋譁。

自笑浮生繫一官。玉堂清極不勝寒。十年奔走龍鍾易。
八口支持鶴俸難。賦已生疎金莫擲。文常進奉墨應乾。
年來人更蓬山滿。天漢乘查路渺漫。

甲午改官赴浙出都留別

旅食京華二十春。秋風何意落黃塵。漫爲出谷遷喬想。
只作歸休去國人。行路揶揄今作郡。登場傀儡尚吟身。
蓬山不盡傷離感。握手河梁淚滿巾。

新辭供奉

御屏風獻壽桃符愧未工

派撰 慈寧宮
各處萬壽勝

幾度姓名登上考

三次京
察一等

十聯詞賦乏摩空無端邊警

紛傳檄

日東
之役

何處知音到爨桐但乞湖邊精舍任謫居

回望五雲中

錢江卽景

官舍臨流舊數間大江滾滾浪回環我思勇退如流水
天爲安排此看山曲岸花明畫舸集海門風緊佔航還
秋來更有觀潮勝得慰歸雲野鶴閒

江樓感興

日日江頭坐釣磯
蓬飄身世願多違
羣鴻得路爭先翥
六鷁乘風只退飛
鞦鼓東來誰草檄
山川北望總沾衣
晚來試倚樟亭立
一醉錢唐官酒歸

西湖泛舟偕陳六笙竹香劉海臣時蓬仙諸同年
湧金門外卽西湖
曉泛煙波似畫圖
一路遇花隨意看
半樓呼酒盡情沽
岳王祠畔春如海
白傅隄邊水正鋪
我已梅花吟興動
與君更上一山孤

遊雲棲

江風吹鬢上雲栖
十里沿江路不迷
萬竹連山迎我入

一峰危石倚天低
汲來泉液烹新茗
拾得巖花付小奚
讀罷殘碑別僧去
數聲漁笛夕陽西

陪胡蘄生中丞及徐澍生觀察束季符大令六笙
竹香游靈隱天竺并上韜光觀海

老至游山興更濃
諸公健步不支筇
呼猿石躡雲千片
靈鷲人穿樹萬重
上竺行來復中竺
北峰過後又南峰
更登絕頂憑闌立
一覽江湖聽暮鐘

宿靈隱贈瀛上人

曉訪雲林文室時
已公風雅亦吾師
能招過客來消暑

不負名山解賦詩
晝理況兼煙化墨
禪心恰映月臨池
我來一宿空桑戀
何日投簪此息機

書感

衙城聽鼓鬚毛斑
三載杭州夢已闌
宦味從來似雞肋
世情況復累豬肝
莫辭遲暮還家易
一落塵埃吏隱難
遙向浙東山外望
故鄉魚美荔支丹

六筓同年由杭守擢常澧道有詩留別卽次元韵
春游一舸盡同官
人立梅花笑語歡
垂老尚豪湖海氣
放懷不覺地天寬
頒來佳什追風雅
況有循聲嫺鳳鸞

舊秩重登榮晚節

前任杭道

好抒報國寸心丹

綺歲才華便出塵武林重莅此吟身宦途不作升沈感
到處能教習俗馴歷郡遠希東漢吏善書肯學北朝人

工書逼真晉唐

越中古蹟題應徧他日重來話夙因

福星移照洞庭波父老攀轅涕泗沲南國有人哀雁澤

湘省旱飢

西湖此日聽驪歌舊游如昨頭盈雪說土能甘口

似河記我乘輶曾過處楚天風雨度高坡

余使黔過常沅澧

回首西清廿載愁一官乞外當歸休不堪京國多離恨

祇爲湖山愛勝遊蘭譜重逢君獎借棠陰應爲我勾留

何當遽折雙隄柳江上春風送客舟

到家

十載辭家返薜蘿故園綠意尚盈坡
筍蔬得地隨時長苔蘚侵階逐客過
識面人無同輩在違心事比異鄉多
碧紗櫺裏尋紅友聊與老夫伴醉歌

滄海歸舟圖爲某大令題

千里風濤曙色開海天間渡莫遲回
籌邊空灑憂時淚去國誰思濟變才
鹿耳江流天塹險雞籠山色角聲哀
扁舟莫問東流水我亦吳門放棹來

時蓬仙觀察以和余怡伯感事詩寄示追賦一律

奉酬

漢廷謀國自多賢絳灌由來薄少年白面談邊皆入幕
黃巾惑衆爲輪錢中行遠道仍長錮西市秋風孰見憐
不有老成匡國是那教滄海返桑田

劉龍臣郡守延王興安書院季春講舍有作

歸權江湖息遠征故鄉一席又持衡山林已忝呼前輩
桑梓猶應畏後生馬豈識途慚伏櫪鴻曾留爪足尋盟
辛巳時小溪同年延在濯纓書院戊子施敏先郡守聘掌是席重來三月洞橋路還聽

橋門壁水聲

講舍旁文廟前有洞橋

強將筆墨與追陪
漫道年年絳帳開
舊日從遊都發迹
春風入座更奇才
幾番問字多車轍
半世論文付酒杯

京師常關社課武林屢委校書院卷

武如豆眼光今又老不堪回首到蓬萊

雜感四首

聞說軍團召募成
橫挑邊釁浪從征
但憑幻術裨兒戲
放出潢池遽弄兵
三輔風聲紛鶴唳
千家篝火雜狐鳴
誰教羌笛胡笳起
城闕悲秋恨未平

勤士雲集擁旌旄
漫說前鋒殺伐多
萬里疾趨齊卷甲

三軍精銳孰橫戈
兵烽豈類高無賴
壯士猶呼曳落河
一自連營西去後
秋風荊棘老銅駝

烽火津關漸近畿
將軍擊敵詎神機
無端胡騎來風雨
誰信兵戈有是非
塵暗西郊腥戰血
烟昏東市泣朝衣
定知化盡蟲沙後
猶逐寒雲傍六飛

角聲吹起萬山寒
曉度居庸鳥道盤
杜老麻鞋赴行在
令公輕騎出長安
兩河將吏從行急
三晉雲山隨意看
還想道旁歡父老
羣華高接五雲端

書事四首

九洲以外海天寬使者浮槎報可汗萬幕八關唐突厥
五原款塞漢呼韓金縢有限歲輸盡鐵案常翻約守難
稱喜安邊諸節度不開戰釁起兵端

計臣言利析秋毫得挽利權敢厭勞貨賄果能懲象齒
約章何畏似牛毛租庸劉晏才非易鹽鐵桓寬論更高
財力東南今已竭那堪外溢苦爬搔

庶政惟新建學初振興學業近何如人才鵲起資陶冶
邪說鴟張賴埽除管子富強皆實際河汾授受豈他書
經腴史液知多少策白翻新總有餘

風櫓火艦走神州遊士如雲恣遠遊但博方言通象譯
可能彼界別鴻溝鑿山孰識金銀氣造軌方爭道路修
時局萬難在匡濟空山殊切杞人憂

半舸亭

久與滄江共白頭新營亭子恍臨流雲深竟得半間屋
室小如浮一葉舟風月平分宜我輩湖山領略夢杭州
歸來饒有烟波興權當浮家泛宅遊

幽興

蓮峰石對荔陰清步八園亭野趣生人爲衰頽常近懶

鳥多閑暇不聞聲肯將街巷供談議每有賓朋欠送迎
莫怪幽居長不出老來肝膽向誰傾

宋子山別駕

廷模

以詩見贈卽次元韻奉酬

健筆凌秋老氣橫頒來佳句令人驚郊祁早已昌家學

令弟子才太守

爲余壬戌同年召杜於今有政聲一席鱸齋留教澤

前

同鐸十年鳳閣樹才名

前在內閣

今朝策馬聞山路不盡蒼生

利濟情

撒棘欣看捧檄時壺華山色助詩思訪碑直上左丞石

遊東

行部親瞻長者祠

巡木蘭陂

宴客西軒陪盛會懷人北

極感傷離

近刻有懷京諸友詩

年來我已吟情減辜負風流宋玉

詞

和寶考勅郡守

康

秋日書懷卽疊前韻

經綸嶽嶽筆縱橫未露詞章世已驚元白多才能內歛

龔黃從政起循聲詩清夙懍趨庭訓

漕使尊甫有著述

年富深

辭績學名媿我舉比久虛擁

余在興安已五六載

高軒屢過訪輿

情

熊旌回溯下車時半載民風最繫思五馬行春來繞郭

萬家報賽望神祠

客冬至任卸迎立春

問閭歲稔心常歎官閣書

多手不離書蓄早晚校才親選卷焚香更讀告天詞冬抄

將府試

孝劼又惠二詩卽次元韻奉答

黃堂晝靜筆飛時昨日傳箋又有詩治謔不妨師汲黯

文章今始識邱遲一麾新政勤民瘼七字佳辭寫色絲

聞道意江征權返舟人已解去來維近有搭城之役

紅羊劫後轉乾坤親舍雲飛有夢存京國風塵驚綺歲

在庚子清淮花月憶名園前侍養淮安傳家屢校新刊本嗜古

常珍舊墨痕難得使君正風雅此邦文獻乞重論府誌年久

未修

予山移任平潭有詩留別聊答一首

索居久自歎離羣只爲西河暗斷魂
誓墓詞懷王逸少憂時策仰范希文
空山春老甘泉石潭水秋深悵樹雲
差幸花封仍密邇詩筒好寄韻頻分

秋夜感懷

八世空嗟塵網攖秋宵孤迥倍傷情
幾看羣雁聯清影但覺聞雞是惡聲
三斗純灰思腹洗一燈別淚尚魂驚
詩心正似無聊賴便欲忘禪了此生

夜靜行窩看道書
機心消盡孰知予
陸生那得歸傳食
貞白惟應署隱居
東海波流誰浣濯
北邙風雨獨欷歔
無端玉折蘭摧感
此恨茫茫未鑷除

春愁二首

一春冷雨復寒烟
萬斛春愁豈易捐
蠟屐遊山今老矣
閉門索句獨潛然
消磨塵世歸雙鬢
倏倏古稀欠一年
彈指韶光容易過
惱人空度薄陰天

惆悵春陰護未工
海棠花去太匆匆
落紅春事催何速
慘綠年華劫易空
半世因緣隨逝水
一枝乞借怨東風

摩挲老眼千行淚，望斷前塵已不同。

寶孝劼以書寵圖，屬題卽送其移任建寧。

秘笈琅函擁等身，

京邸園名

花裏伴詩人。書搜萬卷何

嫌富，官到三年依舊貧。滿架香分彌勒影，一甌新試武夷春。建溪自是絃歌地，好采風謠寄海濱。

漫興

倦翮投林愛息機，秋風搖落竟誰依。鵲惟食菽音難戢，鶴尚在陰和已稀。只爲稻粱謀未厭，豈緣毛羽競高飛。如何百舌嘵嘵甚，浪向人前說是非。

書感

湖山足解宦情嘲頭白歸來手版拋冷眼不甘驚戀棧
癡心枉自燕營巢詩魔偶有嗜痂癖濁世誰非市道交
擬辦機韃與筇杖萬松深處更誅茅

琴瑟更張賴改絃楷模經史總無偏書生可笑蠅鑽紙
世態爭如蟻慕膾梨棗有災餘結習桑榆此景儘流連
告存欲學隨園叟墮地於今七十年

住榕城

走馬三山避地偏不教七秩又開筵竟爲旅店星霜客

厭看家園綵服年舊雨吟樽如鞠脰江樓張讌集嬋娟

葉芷恭張子楨何秀臣鄭石洲蔡常甫排日招飲漫誇異地風光勝野菊江梅

正門妍時值十月

獨坐

衰翁七十有三齡對鏡驚看兩鬢星入夜愁書繭紙白

出門愛伴杖藜青已歸田里身何用但說奇衰耳厭聽

獨坐醉鄉堪送老不知猶有幾年醒

題許篆卿司馬尊壺書畫助賑圖

一枝彤管福蒼生巾幗能厘濟世情莫怪使君多惠政
由來內助有賢聲閩中早結談詩友海上曾傳畫史名

書畫寄滬

安得棠陰更留蔭壺山蘭水澹風清

時篆卿將卸興

糧通判任

庚戌春日病中口占

已過懸車又四年忽來新病轉流連一春不預歡場會
終日渾如入定禪豈有行蹤移石徑更無運腕寫雲烟
風光未老吾先老似此餘生只苟延

伏枕無由出盡欄故交情重屢來看

雲生瑟侯勛夫一石壺勤齊諸公

封藥裏貽何遠

幼三婦自京寄藥

三月風痲瘰却難老至病身

增重困春來天氣況多寒醫家但有慰人語來日暄和便少安

閉戶經今數月餘晨昏供應豈無虛不期待者偏沾疾安得時來奉起居白日卧牀銷病骨青山覓藥看方書天公豈識采薪苦此患綿綿總未除

答陳黍谷見贈

久病辭賓去不回

病風半年未見客

彭宣忽共後堂來

韻石同君來見

雄譚入座風先愈奇句驚人興已開每遇季通呼老友

君自稱詩弟子

况兼伯玉擅詩才慎餘家法今能繼春溟公有慎餘書屋

集

小子當年並受裁

余遊庠日荷公面誨以南宮器待

闌闌耽吟日幾回歌聲似逐市聲來詩宗袁趙詞華富

地近湖山異境開三世論交渾似夢一門繼起况多才

今阮敬齋朗如兩孝廉及茂才諸君通家孔李情猶舊風雅如君有別裁

輓陳雪楞郡守

景嶧

黃堂噩耗太匆匆永訣會非意計中

君得病才二十日兩度下

車遺愛並

兩履斯任

三年聚袂感人同校才不啓苞苴徑

府辦

試真取 別弊時搜盧雉風筆辨今日政成卽仙去口碑
淚徧海天東

小暑口占

起居食息舊時同手足偏歸癰廢中一病已更寒暑節
病從客歲崔鼎臣起半身猶着馬牛風衛生爭饋養苓品感三
皆寄國手難求和緩工翻徧方書增太息天將斯疾困
衰翁